

TEZAU LITURGIC

7 MARTIE

RUGĂCIUNEA

SOBORULUI SF. CHERSONULUI

Молитва СОБОРУ ХЕРСОНСКИХ СВЯТЫХ

О предивнии чудотворцы и велицыи угодницы Божии, вси святии, в землі Херсонстей славно просиявшии! Предстояще Престолу Пресвятыя Троицы, призрите милостивно на ны и на вся люди, к заступлению вашему притекающия. Услышите нас, молящихся вам и чтущих всечестную память вашу. Прострите рuce свои ко Владыце Небесé и землі, да соблюдет в мире и благоденствии страну нашу, Церковь да сохранит от гонений, ересей и расколов. Умолите Милостиваго Бога нашего, да сохранит вся грады и веси землі нашея и люди, в них живущия, от града и глада, от труса и потопа, от зноя и мраза, от огня и меча, от нахождения иноплемённых и междоусобныя брани, от смертоносныя язвы и от всякаго зла. Ей, святии Божии, потщитесь благоприятным вашим ходатайством умоли́ти Господа, да низпослет нам тихое и богоугодное житие, уврачует Своею благодатию недуги наша душевныя и телесныя и дарует вся, яже в жизни временней потребная и к вечному спасению полезная. Егда же приидет

час кончины нашея, да утвердит Господь мир Свой в душах наших, да и мы в истинном покаянии и чистым сведением совести нашея предстанем пред лицем Его, и сподобимся деснаго стояния, и со всеми святыми воспоём славу Отцу и Сыну и Святому Духу во веки веков. Аминь.

